

宋丞相李忠定公奏議

宋丞相李忠定公奏議附錄卷之三

建炎時政記亭

臣綱伏被尚書省劄子三省同奉聖旨令臣省記編錄是  
炎元年五月一日以後時政記繕寫成冊進御以待制詔  
須降史館臣仰惟皇帝陛下躬上聖之資撫中興之運方  
時多艱入繼大統龍飛宋都爲天地神明萬物之主嗣位  
之五日即布大號考爰其相首及微臣特達之知非常之  
遇古無與比顧如臣者所以報得眷待之意宜如何哉然  
臣志廣材踈學識荒淺徒有愛君憂國之心初無周身防  
患之術備位宰相纏兩月餘功效無毫髮可稱罪戾有丘

山之積奉身以退何補國家辜負明恩爲罪大矣臣自去  
魏闕七更歲華蕡致人言自取顛躓伏莽皇帝陛下矜憐  
孤跡始終保全天地之恩何以論報今者又奉詔旨俾臣  
追記往事編錄成書將以付之太史氏顧臣自經憂患衰  
病交攻心志不寧動輒廢失屢遭盜賊文籍散亡極意追  
思曾不能省記十之一二至於日侍清光親承訓勑則銘  
鑄心腑豈敢弭忘謹以省記到昨任宰相日所得聖語所  
行政事賞刑黜陟之大略著于篇至於日辰有不能省記  
則闕之庶幾信以傳信疑以傳疑之意謹繕寫成上下兩  
冊冒昧投進以慶乙夜之覽宣付史館備採擇焉臣干冒

天威無任惶懼戰越之至臣綱昧死頓首頓首謹序

建炎時政記上

起建炎元年六月一日止十二日

六月一日臣自資政殿大學士領開封府事蒙恩除尚書右僕射兼中書侍郎以是日到南京行在有旨宣召臣當晚赴內閣起居敘致謝恩訖力具奏陳材能淺薄不敢當除命乞改授其人以慰輿望上不允臣後奏曰臣未到行在數十里間御史中丞顏岐封示論臣章疏大意謂張邦昌爲金人所喜更宜增重其禮臣爲金人之所不喜宜置之閑地不當爲相臣愚憲但知有趙氏不知有金人固宜爲其所惡然岐之論臣謂材不足以任宰相則可謂爲金

人所惡不當爲宰相則不可臣愚不知金人與趙氏爲仇  
敵其所喜者爲趙氏耶其所惡者爲趙氏耶且爲趙氏之  
臣而金人喜之此必有以得其心者而反用以爲相自古  
貴國以與人者皆爲忠臣矣今陛下斷自淵衷特達用臣  
而外廷之論如此臣豈敢當此任願乞身以歸田里至於  
陛下命相於金人所喜所惡之間更望聖慮有以審處上  
宣諭曰岐嘗有此言朕告之以如朕之立恐亦非金人之  
所喜者岐無辭而退此不足卽臣竊仰聖語英睿如此復  
奏曰陛下天縱聖智固不難察此然臣縉力薄材實不足  
以勝重任因再拜力辭上慰諭允之遣御藥邵成章宣押

赴都堂治事且命執政聚於都堂六月二日有旨令臣立  
新班奏事對于內殿同執政奏事訖臣留身再具奏力辭  
除命上慰諭不允臣感泣再拜曰臣愚陋無取不意陛下  
知臣之深也臣嘗觀唐明皇欲相姚崇崇以十事邀說皆  
中一時之病類多施行後世美之臣常慕其爲人今臣亦  
竊不自揆故以十事仰干天聽儻蒙睿斷施行乃敢受命  
其未合聖意者願賜詰難使臣得盡其說上可之因出劄  
子奏陳其一曰議國是大略謂中國之御夷狄能守而後  
可戰能戰而後可和而靖康之末皆失之今欲戰則不足  
欲和則不可莫若自治專以守爲策俟吾政事脩士氣振

然後可以議大舉其二曰議巡幸大略謂車駕當一到京  
師見宗廟慰都人之心權時之宜爲巡幸之計以天下形  
勢觀之關中爲上襄陽次之建康又次之宜詔有司預爲  
之備其三曰議赦令大略謂祖宗登極赦令皆有常式前  
日赦書一切以張邦昌僞赦爲法如赦惡逆遷人循資責  
降罪廢官盡復官職皆汎濫不可行謂當改正以法祖宗  
其四曰議僭逆大略謂張邦昌爲國大臣不能臨難死節  
而挾金人之勢易姓建號身處宮禁南面以朝其後勤王  
之師集迫不得已乃始奉迎朝廷尊崇之爲三公真王參  
興大政非是宜正典刑壅戒萬世其五曰議僞命大略謂

國家更大變故鮮伏節死義之士而奉賊旨受僞官屈膝  
於其廷者不可勝數昔肅宗平賊而汙僞命者以六等定  
罪今宜倣之以勵士風其六曰議戰大略謂軍政久廢士  
氣怯惰宜一新紀律信賞必罰以作其氣其七曰議守大  
略謂賊情狡猾勢湏複來宜於沿河江淮措置控禦以扼  
其衝其八曰議本政大略謂崇觀以來政出多門綱紀紊  
亂宜一歸之於中書則朝廷尊其九曰議久任大略謂靖  
康間進退大臣衆多而太速功效淺著宜謹擇而久任之  
以責成功其十曰議脩德大略謂上新即大位宜益脩德  
以感天人之心致中興之業得旨皆留搨上後詳觀有當

施行者降出是日降出議國是巡幸赦令載守五劄子餘  
皆留中同日内降麻制皇叔祖慶遠軍承宣使知大宗正  
事仲琮可特授武勝軍節度使依前知大宗正事加食邑  
伍百戶食實封貳百戶皇叔祖靖康軍節度使知西京外  
宗正事仲湜可特授檢校少保仍前靖康軍節度使開府  
儀同三司嗣濮王加食邑壹阡戶食實封三百戶皇叔寧  
遠軍承宣使知南京外宗正事士敏可特授光山軍節度  
使檢前知南京外宗正事食邑五百戶食實封二百戶三  
省同奉聖旨宇文粹中落職提舉亳州明道宮以江寧府  
軍卒叛失守故也六月三日臣同執政奏事進呈議國是

劄子有旨付中書省遵守次進呈議巡幸劄子有旨催促  
留守司脩治京城祇備車駕還闕謁款宗廟委永興軍襄  
陽府江寧府守臣增葺城池量脩宮室官府以備巡幸次  
進呈議赦令劄子僉謂赦惡逆已行難追改有旨選人惟  
在職者循資謫降罪廢官令刑部具元犯申朝廷等第叙  
復次進呈議戰議守劄子有旨令三省樞密院討論修舉  
軍政措置控禦條件以聞奏事訖執政退臣留身奏曰臣  
愚瞽輒以管見十事仰黷天聽已蒙聖慈施行五事如議  
本政久任修德三事無可施行自應留中所有議張邦昌  
僭逆及受僞命臣僚三事皆今日刑政之大者乞早降處

分上宣諭曰執政中有與卿議論不同者更俟欵曲商量  
臣奏曰邦昌僭逆之跡顯然明白無可疑者天下皆謂邦  
昌處虜中歲餘厚結虜酋得其歡心攻破都城遷二聖東  
宮盡取親王宗室以行邦昌蓋與其謀此固不可知然邦  
昌當道君朝在政府者幾十年淵聖即位首擢爲相奉使  
虜中方國家禍難之時如能以死守節推明天下所以戴  
宋之義以感動其心虜人未必不悔過而存趙氏邦昌方  
且自以爲得計偃然當之正位號處宮禁者月餘日虜騎  
既退四方勤王之師集邦昌擅降僞詔以止之又遣郎官  
分使趙野翁彥國等皆齎空名告數百道以行迨勤王之

師日進邦昌知天下之不與也不得已乃議奉迎邦昌潛  
竊本末如此春秋之法人臣無將將而必誅况邦昌已潛  
竊之罪宜如何陛下欲建中興之業當自正朝廷始而專  
崇僭逆之臣爲三公真王參與國政何以示四方執政中  
有議論不同者乞降旨宣召臣得與之廷辯如臣理屈豈  
復敢言上許之乃令小黃門徑就幕次宣召黃潛善呂好  
問汪伯彥再對上語之故潛善力主之詰難數四乃屈服  
猶持在遠不若在近之說臣曰邦昌當正典刑何遠近之  
有借使在近當幽繫而反尊崇之如此何也潛善不能對  
上顧呂好問曰卿在城中知其詳謂當如何好問曰邦昌

潛竊位號人所共知既已自歸惟陛下裁處又引德宗幸  
奉天不挾朱泚行後以爲悔以附會潛善不若在近之說  
臣曰呂好問之言首鼠兩端且援朱泚以爲例非是方德  
宗之狩奉天朱泚蓋未反也姜公輔以其得涇軍心恐資  
以爲變請挾以行德宗不聽而其後果然今邦昌已僭逆  
豈可使之在朝廷使道路指目曰此亦一天子哉因泣拜  
曰臣不可與邦昌同列陛下必欲用邦昌第罷臣勿以爲  
相無不可者上宣諭曰俟降出卿劄子來日將上取旨臣  
拜謝而退是晚劄子降出六日四日臣同執政奏事進呈  
論張邦昌僭逆劄子三省樞密院同奉聖旨張邦昌僭逆

理合誅夷原其初心出於迫脅可特與貸免責授昭化軍  
節度副使諱州安置又進呈論受僞命臣僚劄子上宣諭  
曰國家顛覆士大夫不聞死節往往因以爲利如王及之  
坐藩衍宅門詰罵諸王余大均誘取宮嬪以爲妾鄉知之  
否臣奏曰自崇觀以來朝廷不復敦尚名節故士大夫鮮  
廉寡耻不知君臣之義靖康之禍視兩宮播遷如路人然  
罕有能伏節死義者在內惟李若水在外惟霍安國死節  
顯著餘未有聞願詔京畿諸路諮詢優加贈卹王及之余  
大均朝廷見付御史臺推鞠必得其實臣聞方金人欲廢  
趙氏立張邦昌令吳秆莫傳傳道意旨往還數四京師人

謂之捷疾鬼王時雍徐秉哲奉金人旨追捕宗室戚里令居民保結不得容隱以衣袂聯屬以柱若囚繫然其後迫使君東宮后妃親王出郊皆臣子之所不忍言又受僞命皆爲執政此四人者宜爲罪首上以詢呂好問而好問以爲有之得旨皆散官安置餘以次謫降內王及之余大均周懿文胡恩陳冲等並令御史臺速疾取勘候案到日取旨李若水已贈官外霍安國特贈延康殿學士有死節者令諸路詢訪以聞又進呈御史中丞賴岐待罪章疏有旨除待制提舉宮觀執政退臣留身奏事上宣諭曰卿昨日內殿爭張邦昌事內侍輩皆涕泣卿今可以受命矣臣拜

諱曰陛下英睿天縱決斷如此天下不勝幸甚臣雖愚陋  
敢不黽勉以圖報稱上宣諭曰屢語執政令置登聞檢鼓  
院以通四方章奏至今猶未措置卿可便與施行臣退批  
旨登聞檢鼓院建於行在便門之外差官吏權攝是日三  
省樞密院同奉聖旨察官職守今後依官制施行錢伯言  
除開封尹孫竦除應天尹權邦彥差知東平府呂頤浩差  
知楊州陳邦光差知廣州唐憲差知荊南府王以寧差知  
興州六月五日臣同執政奏事進呈劄子大略謂河北河  
東兩路國家之翰蔽河北西路三帥府二十餘郡靖康末  
所失者真定懷衛濬一帥府三郡而已其餘至今皆爲朝

廷堅守一路兵民有城郭者依城郭無城郭者依大河西  
山自相結集日以蠟書號額朝廷乞師請援河東亦然但  
所失州郡視河北爲多欲乞於兩路置司指置因其人而  
用之將來以河外郡縣悉議封建使自爲守朝廷量力以  
助之則藩籬固而中原可安儻捨此而不爲則兩路之人  
且歸怨於朝廷強壯狡猾者反爲賊用將何以待之今日  
所當先務者莫急於此有旨河北置招撫使司河東置經  
制使司委臣以擇可仕使副者具姓名以聞是日三省同  
奉聖旨以趙子崧守陳州閻孝忠守蔡州黃叔教守襄陽  
府趙子樉守汝州李彥卿守漢陽軍程千秋守江陵府公

之縣禪禦有功子懋轉兩官孝忠轉一官除直秘閣叔敖  
轉一官除秘閣脩撰子懋除寶文閣直學士彥卿除直秘  
閣千秋轉一官通判江陵府王襄責授中大夫秘書少監  
分司北京襄陽府居住趙野責授中大夫秘書少監分司  
南京青州居住以言者論其任總管日逗遛不進故也六  
月六日內降手詔朕以菲德獲承宗祧以臨士民之上屬  
時多艱未知攸濟慄慄危懼若將殞于深淵洪惟祖宗膺  
受天命覆育涵養百七十餘載德隆恩普振古所無道君  
太上皇帝以憂勤而內禪孝慈淵聖皇帝以恭儉而纂圖  
海內乂安蒼生蒙福適金人之入寇挾詐謀以歛師待以

不疑隨其姦計神都失金湯之險翠華有沙漠之行二聖既遷六宮皆從迨朕叔父弟昆宗室戚屬悉被驅逼禍故之臻亦古未有是用夙夜震悼于朕心念父兄憂辱於虜廷憫生靈重罹於兵革飲泣嘵嘵不遑寧居惟爾四方士民抱負忠義其伊恤朕躬以共濟于艱難以致安于宗社載念行在將士適當隆暑暴露之久尤軫朕懷當特加犒設州縣民戶募師勤王調發之煩誠可加憫當厚與撫循賦歛之厚當議蠲減法令之弊當議改更潰兵爲盜因間雋掠殘破郡邑雖已降赦令當遣使招集許令自新誠吏姦乘時掊克重困吾民罪不可貸當遣使按治寘于典

靖康之間忠義敢言之士或至竄逐當悉召還今日以  
往智謀奇畫之人如能獻陳當悉擢用旁招俊乂竄黜姦  
回協成治功以篤中興之烈於寧天下之士大夫未忘我  
之祖宗當同心以相扶天下之軍民不頑淪於夷狄當協  
力以相保守國勢既昌天命益固庶幾鄰敵悔禍奉還鑾  
輿則予一人以寧爾亦有無窮之聞不其韙歟故茲詔示  
想宜知悉是月三省同奉聖旨傳墨卿除禮部尚書郭三  
益除刑部尚書周武仲除吏部侍郎曾楙除禮部侍郎董  
耘兵部侍郎許景衡胡安國並除給事中劉珏除中書舍  
人曾開復侍制知潭州吳巖夫除光祿卿辛丙除左司員

外郎李光除秘書少監翁彥深除太常卿六月七日三省  
同奉聖旨謫授鳳州團練副使江州安置張所通直郎直  
秘閣通判河陽府事傅亮召赴行在議事以臣所薦欲委  
以河北河東路招撫經制司也是日三省同奉聖旨李囬  
謫授朝奉大夫秘書少監分司南京袁州居住以言者論  
其防河退遁及嘗受僞命故也六月八日內降手詔朕惟  
祖宗創業守成垂二百年涵養士大夫至矣靖康變故仕  
於中都者曾無伏節死難之士而偷生取容何其衆也甚  
者乘時爲姦靡所不至實爲中國羞公議弗容姑取跡狀  
毛顯著者量加竄黜爲臣子之戒夫節義正所以責學士

大失也至於武臣卒伍理當閹略以責後效惟王宗漣首  
引衛兵逃遁致都城失守不可不責其餘姑務含容一切  
不問咨爾有衆其體至懷故茲詔諭各宜知悉是日三省  
同奉聖旨謝克家除述古殿直學士提舉杭州洞霄宮季  
質罷太常少卿主管亳州明道宮莫砥除軍器監陳公輔  
除吏部郎官程瑀除司封郎官余應求除考功郎官陶愷  
除吏支郎官鮑輝除兵部郎官滕庾除都官郎官陳彥文  
孫默李積中王愈程邁並令乘遞馬發來赴行在洪芻罷  
諫議大夫張鄉材罷刑部郎官胡思王及之余大均周憲  
文陳冲並先次放罷以御史臺勘司有請也六月九日三

省樞密院同奉聖旨李若水忠義無與比倫已推恩外可  
特賜謚劉韜能死節不為敵用與追復銀青光祿大夫特  
贈資政殿大學士許翰楊時晁說之並令乘遼馬發來赴  
行在吳升責授昭化軍節度副使永州安置莫儔責授寧  
化軍節度副使全州安置徐秉哲梅州安置王時雍高州  
安置六月十一日三省樞密院同奉聖旨新政之初應干  
指揮內外官司各當體念國步艱難悉心虔奉尚慮流俗  
玩習將爲虛文顧避懷姦推行殘烈或因事剥下背分自  
營肆爲搔擾有害新政並仰監司互相體察犯人重寘典  
令御史臺體訪彈奏孫昭遠差知河南府兼西道都

總管俞向差知陝府並填見闕六月十二日三省樞密院  
同奉聖旨史徽特落致仕除司農少卿吳給除左司郎官  
張公濟除駕部郎中郭求除河北東路提刑周格除京東  
西路提刑謝覲除京西北路提刑李西羨除荆湖北路提  
刑並填見闕

建炎時政記中

起建炎元年六月  
十三日止六月終

六月十三日內降赦書一道門下朕紹隆丕緒夤御多方  
置大器以求安涉巨川而思濟勤于邦以圖天下之逸儉  
于家以資天下之豐儂乎負荷之難惕若繼承之重膺受  
祖宗之貽燕昭格穹昊之貺臨有開昌期誕生元嗣庚伏

大見協長夏耕育之辰玉裕淵清稟睿源英秀之氣寔廟  
社無疆之福示本支有衍之符以奉二聖覆育之慈以係  
四海愛戴之望循故累朝之舊典咸推利物之深仁矧在  
多難敢忘敷慶宜覃曠蕩之澤式契寰宇之心可大赦天  
下應赦書到日昧爽以前罪人除犯刦殺謀殺故殺鬪殺  
並爲已殺人者并十惡罪至死僞造符印放火官員犯入  
己賊將校軍人公人犯枉法監主自盜賊不赦內枉法自  
盜罪至死情理輕者奏取指揮鬪殺罪至死情理輕者減  
一等刺配千里外牢城斷訖錄案聞奏其餘罪無輕重已  
發覺未發覺已結正未結正咸赦除之應舊係籍及上書

朝廷累降指揮撫舉叙復至今經隔年月尚未結絕宜  
並給還元帶官職贈謚碑額等已經給還而未足者並依  
元初指揮其未責降以前官職應得遺表或致仕恩澤者  
亦令吏部刑部條具申尚書省取旨應靖康元年邊事後  
來文武官因病陳乞致仕朝令不從所乞內有身亡之人  
特許依條陳乞致仕恩澤及陳乞致仕緣道路不通不曾  
被受致仕勅命者亦許所在州軍保明特與依條推恩應  
士庶授獻草疏見奏官看詳如有利害灼然可揀令看詳  
官先次保明申尚書省當議旌擢以為激勸勘會科舉之  
弊至此極矣苟無變通則忠實異材之士何由而出可講

元祐寺賦經術兼收之制著為近政乃令禮部疾速條畫  
聞奏緣已降旨揮建炎二年正月九日鑽院省試今來日  
已逼近難以遷改可自後舉依此施行應諸路解發材武  
人并錫慶院材武人昨有偶緣事故赴試不及之人竊慮  
遺材仰經禮部投狀勘驗名實當議特與別行收試具令  
格姓名申尚書省取旨推恩應將士實有戰功緣罪停廢  
之人並特與原復仍令所在官司發赴行在當議量材選  
用應諸路有材勇謀略之人衆所推伏或曾經戰陣得功  
可以倚仗委本州具姓名保明解發赴行在御營使司當  
量材錄用每州三人應諸路勤王人兵有曾收復州縣

立功之人仰四道都總管及經制使等同結罪請賞優聞奏雖不曾立功曾到京城下或元符府已結局追回

所轄人兵不曾逃散者候到本處仰本州具元發回及下到人數元管押人職位姓名并元借官職保明聞奏當議特與推恩應這回勸王人兵所帶器甲並於所到州縣先次寄納如因在路遺失軍器趕赴隊伍不及逃竄之人限赦到一月經所在陳首並與免罪發遣歸元來去處依舊收管仍給公路口奏其因公路失於譏察致散漫劫掠良民者可責委隨處統領等官將犯人便依軍法務要整肅所過州縣並先具統制等官職位牒報候將來見得公路

不曾作過令元發處具統制統領等官職位姓名保明申  
尚書省取旨推恩今日已後或失鈐束部轄亦當重行黜  
責昨太原貞定等處州郡緣金人攻閩其官兵統制兵將  
官等有能竭節戰守遂致陷沒之人可疾速獎勵推恩厚  
撫家屬內忠義顯著者務加優異以爲將士徇國用命之  
勸近緣軍興應召募民兵義兵統領之人多是虜掠良民  
強點其面共肆劫奪念非本心理宜優恤近雖已有放散  
歸農指揮竊慮統領之人拘留未放並仰經所在官司陳  
訴給公據令各歸業已前罪犯一切不問令州縣多出榜  
文曉諭訪聞昨因金人收領及取過人口有逃遁回歸及

有父老逃避人性被官兵人等不公辨驗復為驅領隨行甚可矜憫仰限赦到十日内將人口放令逐便限滿不放並行軍法仍仰統制主將等常切覺察應昨因京城失守死節守禦戰沒文武官已降指揮令本壁統制官保明特與推恩訪聞官司多是非理沮難逞邇行遺致死事之家不即需恩可令所屬疾速施行如適當行人重行停降勘會近降赦恩軍人丁夫等逃亡及潰散官兵并百姓因金人所至失業囉聚人已立限首身尚慮有出首未盡之人并令救到日已前逃亡軍人等並限一月許令出首餘依已降指揮應諸班直諸軍親從親事官昨因京城失守

踰城逃遁雖累降指揮立限許令自新尚恐懼罪未敢出首限赦書到一月內許於所在州軍自陳仍仰逐州給在路口券牒送在京所屬已前罪犯一切不問依舊收管如尚敢不首復罪如初及仰所屬月具已申收管人數申樞密院應未招降強寇如願徃出戰自效者限赦書到一月日內經所在州縣或統制等官出首具首領人數姓名職位聞奏當議准恩令隨統制官前去有能立到奇功當優與獎擢應錄金人并賊盜殘破州軍縣鎮逃避官吏等雖已降指揮立限許還職任竊虜限滿未及還歸之人可限今赦到半月內許歸舊任職役其被殺官仰本路提刑司

勘會詣實因依保明聞奏特與崔恩應京城失守潰散使  
臣昨已降指揮立限赴部公叅違限不赴者並特勒停如  
有似此未曾公叅之人特與免罪許再限一月叅部依條  
注擬如限滿不赴公叅後罪如初應歿於王事之人累降  
指揮令所屬保明推恩官司循習殊不體國以詔旨爲虛  
文致死事之家終不露恩無激勸之義自今仰本家自陳  
未經保明者令所屬限三日保明已經保明到者限三日  
推恩如違人吏重行典憲仍令御史臺彈劾以聞應陝西  
逐路昨因夏賊侵犯去處有立功并亡失將士近緣道路  
不通未經保明推賞者仰帥司限五日開具實立功并亡

失將士等保明聞奏當議椎恩不管漏落應昨緣軍興諸色人支借過官馬添實因戰鬪亡失與免備償併見差出許乘騎外其餘令回納者限一月於所在官司送納如出限隱藏不納許人告坐貳科罪應緣昨來軍興遺弃器甲頭刃之類並令所在官司拘收如及卽件以上令逐路憲司保明聞奏當議優與推恩或民間納及百件以上亦令憲司相度等第支賜百日外不肯納依私有法真拘收到名數並令如法編揀排築內斷鍊不堪者令憲司委官措置修整仍先具拘收修整到名數封捲處所申樞密院應國軍興前後民間勸借獻助錢物雖已委逐州長貳責限

朱格書填告命給還尚慮廿八間阻節如有委實獻納錢物  
限外未經推恩給告之人許徑請尚書省陳訴如有照據  
文字當議依格書填給降勘會昨縛金人入寇應宮觀守  
院曾造發過乾糧應副單前不無移擾陪費可在京委鴻  
臚寺在外委轉運司保明實員之數聞奏當議特與給降  
慶牒勘會近降赦恩昨縛金人拘留未還等人許支行請  
給竊慮經歷官司及倉庫不即勘給如敢稽違許經開封  
府陳訴根究重行斷遣應宗空一昨因取往軍前今來都有  
回歸者其已前積下應子請从一等並與一併勘支應河北  
河東守臣親屬差往涿州幹辦藩畝敵寨未歸其家屬在

京或寄寓他郡閩人照管以致失所許經所在官司自陳  
支賜銀絹五十疋兩其幹辦官回日陞擢應百姓附錄投  
充敢勞效用因出戰陷殘吏承老小無人養贍仰本路監  
司多方存恤無令失所應出成軍兵衆屬仰所在州軍常  
切存撫無致少有失所應諸州縣有因潰散人兵及盜賊  
燒刦屋業之家特與放免今年夏料屋稅內被殺或逃避  
止有婦人小兒貧乏不能自存者仰所屬劄依災傷七  
分法賑給施行仍多方招誘逃避人戶解茶鹽諸處民戶  
舍宅旁節寺觀如近經兵火焚燒合行脩蓋往別州縣計  
直竹木之類者於所屬公披經田去處與免抽稅仍不許

官司拘截使用如常許人戶<sub>比</sub>逃計勘會昨因金人取索金  
口開封府差捉事使臣火下等追捉訪聞內有婦人多被  
使臣火下百端逼脅致畏避發遣頑歸使臣火下等家藏  
住取養之人事同強掠可限一月許令犯人及本家人力  
女便經官陳首與被收載人並放令逐便限滿不首獲罪  
如初隣人并地分巡察使臣火下不覺舉減犯人罪三等  
不知情又減三等仍仰留守司御史臺密行覺察應逃亡  
罪人見今監錮父母妻男<sub>比</sub>肉收捉者除係兒惡不原赦  
賊人外餘並放令逐便應<sub>比</sub>九難合備償并先以官錢代烹  
而犯人委已貧乏無可催<sub>比</sub>見監勒犯人并干繫人名下

均攤填納者並特與蠲放訪聞諸路州軍縣鎮酒務公庫  
尋多將酒醋押配與人戶又四廻往客旅僧道等爲害甚大  
仰監司守臣常切覺察舉劾心巨更重行黜責應波湖塘潔  
舊許人戶採取元無收立課額後因官司措置剏立課利  
去處仰監司契勘悉行罷免以仍舊許民戶採取如見係豪  
強占據仰所屬州縣嚴行禁止仍委監司常切覺察訪聞  
京師物價未平致縲寡孤獨不能自存之人艱食除開封  
府見依法居養外羈慮所委官不切用心致惠澤不下仰  
留守司更切檢察如法居養如錢物不足具合用數申留  
守司支降應州縣官職田訪聞多係實無田土抑令人戶

輸納租課實爲搔擾自今仰提刑司勘會諸寶常切覺察不得因前妄有搔擾應諸路漢蕃弓箭手合該承襲之人因差使出外及別緣事故有失陳乞致出遠自限者候赦書到日限百日經所屬自陳許令依條承襲近降赦文神霄宮罷舍屋雜物錢糧田產拘收具數申尚書省及已降指揮江寧府神霄宮元係保寧寺鎮江府元係龍遊寺泗州元係普照寺洪州元係上贊寺并舒州元係技子山寺院並先次給還其餘州軍內有元係古寺改建者令本州開具申尚書省剏建去處依故施行所有正殿聖像如元係佛像改塑即行改正若是羽塑即迎赴慶觀勘會合拘

收舍屋等並謂舊有者其後來因緣取降特旨并增置到  
者並令轉運司拘收應付省計及古寺係謂李唐以前古  
跡如泗州普照寺舒州投子山大名府大安寺之類仰州  
郡疾速遵依已降指揮施行無致違戾應昨緣軍興諸官  
司支借過禁軍闕額封榜錢物及收租錢磬監省費錢死  
馬肉賊錢不堪馬價錢權住撥還候邊事寧息日委提刑  
司具數申樞密院立限撥還行在百司已降指揮不以假  
故日遂供職訪聞東京官司多不入局竊慮士人民戶合  
有整會事理不無阻節及勘會累有指揮應覃恩轉官及  
叙復磨勘擬注之類并已前積壓未了文字並令東京取

會上鈔等其曹部官往往推阻不爲施行政使士民徃回  
道路良爲勞苦自今東京官司須管不分假故赴職檢詳  
累降指揮遵守行遣不管依前留滯如違許士民赴行在  
陳訴當議重行責罰應朝廷寬恤事件務實惠及民如所  
屬不切奉行但爲虛文致民戶陳訴當議重寘典憲應義  
夫節婦孝子順孫委所在長吏常切存恤事狀顯著者具  
名聞奏應五獄四瀆名山大川歷代聖帝明王忠臣烈士  
載於祀典者委所在長吏精繫致祭於廟乘龍協時體黃  
離鑾明之治夢熊占寢應蒼震一索之祥均布湛恩用飾  
多喜咨爾有衆咸悉至懷赦書日行五百里敢以赦前事

言者以其罪之主者施行先是上登寶座赦書不曾該載河北河東兩路及四方州縣勤王之師至是得旨該載故於河北河東路及勤王之師指揮爲詳是日三省樞密院同奉聖旨唐重除本閣學士差知京兆府范致虛發來赴行在李復陸職一等差知秦州趙明誠發來赴行在鄭驥除直秘閣差知同州六月十四日內降勅書一道勅河北河東諸路州縣守臣將帥忠義軍民等朕惟祖宗德澤在民垂二百年天下乂安靡有變故而宣和靖康以來國家多難金人內侮道君太上皇帝下哀痛之詔講揖遜之禮比德堯舜古今鮮倫孝慈淵聖皇帝以恭儉之德爰受

內禪海內欣戴日復治康而暮歲之間戎馬再侵墮虜姦  
計但以講和一事終至宗社阽危既盡取玉帛女子公私  
財力爲之耗竭乃始劫遷二聖中宮洎皇族尊幼中外媿  
戚以行戎狄之禍振古未有朕以介第受命總師臣民推  
戴迫以大義入繼大統重以父兄之辱飲泣嘵謄疾首痛  
心願與天下忠臣義士共濟艱難而近者使臣來自朔部  
畱聞兩路守臣義不愛生誓以死守賊雖憑犬羊之衆敢  
肆攻圍而能率勦士民屢挫醜虜其忠義軍民等倡義結  
集動以萬計邀擊其後功績茂著朕甚嘉之夫河北河東  
國之屏蔽也朝廷豈忍輕棄靖康之間特以金人憑陵不

得已割地賂之將以保全宗社止兵息民而金人不道攻  
破都城易姓攻跋扈鑿輿以北遷則河北河東之地又何  
割哉已命遣師以爲應援應兩路州縣守臣及忠義之士  
如能竭力捍禦保有一方及糾集師徒力戰破賊者至建  
炎二年當議疇其勲庸授以節鉞其餘官吏軍兵第加優  
賞應稅賦貨財悉許移用官吏將佐悉許辟置朝廷更行  
量力應副爲國藩屏以昭茂功庶幾中原弭寧生靈休息  
夷狄悔禍二聖有可還之期則予一人膺受多福爾亦有  
無窮之聞不其韪歟故茲詔示想宜知悉是日三省樞密  
院同奉聖旨河北西路河東路守臣各轉兩官有職名者

進職餘具職位姓名以聞又詔自今有能收復兩路已陷  
州郡及救解危急保全一方功效顯著者除本處節度觀察  
團練防禦使依方鎮法又詔兩路軍民自今不得撰造  
事端以疑慮擅殺官吏等又命使臣齎夏藥偏賜兩河守  
城將佐又命推貨務印造見錢鈔遣使齎送兩路州郡又  
命降見錢鈔參百萬貫付河北東路陝西路漕司廣糴應  
副兩路又命起京東路夏稅編於大名府橋管川網河東  
衣綢於永興軍橋管以待兩路支俵皆上意也於是兩路  
知天子德意人情翕然讐書日至間有破賊捷報虜人圖  
守諸郡者往往抽退六月某日三省同奉聖旨汪伯彥除

知樞密院事黃潛善兼門下侍郎戶部尚書張慤到行在  
令日下供職六月某日臣同執政官奏事進呈臣寮章疏  
論受僞命臣僚多已行遣有未及者皆等第施行如十友  
之類令留守司詢訪姓名以聞其言頗及呂好問好問在  
假上章求去有旨除資政殿學士知宣州六月某日三省  
樞密院同奉聖旨沿河置巡察使自河陽抵濱滄凡六處  
各有地分以爲斤堠進呈臣寮章疏論靖康末折彥質爲  
宣撫副使进入川陝錢蓋心制置使进至湖北許高許亢  
總兵防河逝至江南不繼心則後執肯任責者有旨彥質  
心故官昌化軍安置蓋洛職降官分司高亢編管海外

川軍會南康軍奏高尤寓其境上欲謀變知軍李定通判  
韓璣以便宜誅之而待罪僉謂其擅殺為非是臣奏曰淵  
聖委高尤守河付以兵將甚衆賊將至而先走以鐵騎五  
百自潁昌擊家趨江南沿路刦掠甚於盜賊朝廷不能正  
軍法而一軍壘守倅敢誅之必撻吏也使後日受命捍賊  
者知退走而郡縣之吏有敢誅之者其亦少知所戒是當  
賞上以臣言為然乃命各轉一官以賞之是時開封尹王  
襄罷大名尹徐廸仁薨東京及北京留守關官有旨宗澤  
除延康殿學士知開封府兼東京留守杜充除待制知大  
名府兼北京留守以劉錫知滄州又命錢蓋復官依舊為

陝西經制使初蓋在靖康間嘗建議河外湟鄯之地於朝廷無毫髮利而歲費不貲爲中國患不若宋青唐之後而立之使撫有其舊部以爲藩臣有益麻党征者故王之子素爲國人信服儻封立之必得其力至是用其策故遣蓋爲使齎告賜盃祿党征措置湟鄯事因調發五路軍馬以赴行在六月某日臣同執政奏事進呈劄子一曰募兵二曰買馬三曰募民出財以助兵費募兵劄子大略謂國家以兵爲重方熙豐之時內外禁旅合九十五萬人至崇觀間闕額不補者幾半西討夏人南平方寇此事幽燕所折閱者又三之一至靖康間金賊再犯闕潰散逃亡者又不

知其幾何今行在禁旅單弱何以捍強敵而鎮四方爲今  
之計莫若取財於東南募兵於西北方河北之人爲金人  
發授未有所歸之時而關陝京東西流爲盜賊強壯不能  
還業者甚衆乘此遣使四路優給例物以招募之新其軍  
號勒以部伍得十數萬人付之將帥以時教閱訓練不年  
歲間皆成精兵於要害州郡別置營房屯戍使之更番入  
衛行在此最今日之急務也買馬劄子大略謂金人專以  
鐵騎取勝而中國馬政不修騎兵鮮少乃以步軍當其馳  
突宜乎清散蓋祖宗朝養馬於監牧孳生蕃盛所在雲布  
故軍旅之用足至崇觀間監牧廢而馬給地拔馬有名而

無實其後燕山陷沒馬之入於夷狄者不可勝數金人初犯闕河北京畿馬畜為之一空後破都城首下令括馬而京師之馬入于賊者萬有餘疋今行在騎兵不多獨陝西京東西諸路尚有私馬宜降指揮立格尺以善價買之可以濟一時之乏民間養馬必皆上戶及僧道命官之家下戶自無馬可養取之既不礪民而旬月間馬遂可集此今日不得已之務也募民出財劄子大略謂國家罹寇難京師帑藏悉為金人所取外路州郡以調發勤王之師財用為之一空今又募兵買馬招撫盜賊措置邊事應副發破州郡振舉百度以圖中興非常賦之所能供辦又不可

橫賦科取於民如免夫錢天下至今咨怨惟上二等物力  
有餘之家可行勸誘使斥其贏餘以佐國用而以官告度  
牒之類償之使朝廷軍馬精強措置遼事就緒盜賊衰息  
彼乃得保其財產不然雖欲保家室不可得况財產哉宜  
命州縣委曲諭以德意必有樂輸從命者此又今日不得  
已之務也上命以劄子付中書省條具以聞次日將上得  
旨於陝西北路募兵各三萬人京東西路募兵各二萬  
人合爲十萬許召募白身及於諸色廂軍中揀選或招收  
潰散兵卒中改刺創置單號號勝壯捷忠勇義武龍武虎  
威折衝舉毅定難靜邊九十軍每號四軍二千五百人例

物白身人全給依上禁軍法餘給半許用諸路關額禁軍  
錢常平司錢不足即自朝廷應副內京東西委兩路提刑  
司河北委招撫司陝西委經制司召募每募及一軍就本  
路差有材武大小使臣充將官部隊將管押赴行在聽候  
差使又命買馬分爲三等格尺以定價值除命官將校見  
養馬不許括買外餘並籍記赴官棟邊及格尺中披帶者  
即時給還價值每匹百疋差官或將校一員管押赴行在  
隱寄妄冒有馬不籍及無馬而抑勒令置買者並科違制  
之罪委逐路提刑司總之又降詔曉諭州縣勸誘能出財  
助國者籍記姓名多寡申朝廷給降度牒償之入財多寡

取旨推恩應勸誘到錢物並別項橋管聽候指揮專委募  
軍買馬緣邊事支用有敢科配擾擾者命官竄責吏人決  
配凡募兵買馬勸民出財奉行有叙並保明推賞六月某  
日臣與執政官奏事進呈劄子議控禦之禁大略謂唐之方  
鎮當時實賴其力以定禍雖第措置失宜而其後行姑息  
之政威柄浸移乃有尾大不掉之患祖宗革去前弊削弱  
州郡之權一切委以文吏非沿邊諸路雖藩府亦屯兵不  
多無敢越法行事以至太平無事之時可也一旦夷狄長  
驅盜賊蠭起州郡莫有能抗之者遂至於手足不足以捍  
頭目為今之計莫若稍倣方鎮之制擇人任之假以權柄

減上供錢數使之養兵而訓練之大小相維遠近相援庶  
幾可以救今日之患夫方鎮者節度使之兵也其次有觀  
察團練防禦今既以爲階官不可復改宜於汾河汾淮汾  
江諸路置帥府要郡次要郡使帶總管鈴轄都監以寓方  
鎮之法許其便宜行事辟置察屬將佐以治兵不數年間  
必有可觀今日控禦之策無大於此愈謂帥府要郡之制  
可行但未可如方鎮割隸州郡得旨京東東西路京西南  
北路河北東路永興軍路淮南江南兩浙東西路荆湖南  
北路皆置帥府要郡次要郡帥府爲安撫使帶馬步軍都  
總管要郡帶兵馬步軍都監皆以武臣爲

則改路分爲副總管路鈴轄爲副，餘轉州鈴轄爲副都  
監總管鈴轄司許以便宜行軍馬事，辟置寮屬依帥臣法  
屯兵皆有等差，遇朝廷起兵則副總管爲帥，副鈴轄都監  
各以兵從聽其節制，正官領行者聽轉運使別一員隨軍  
一員留本路提點刑獄彈壓本路盜賊遇有盜賊則量敵  
多寡出兵會合以相應援，本路帥臣當職官指置兵馬先  
統緒者當優議旌賞，六月某日三省樞密院同奉聖旨責  
授鳳州團練副使張所，借通直郎直龍圖閣除河北西路  
招撫使令閣門引見上數六月某日臣同執政官奏事進  
呈臣察劄子乞增置弓手人數每縣置武尉一員及河北

路置巡社差官總領得旨從之六月某日三省樞密院同奉聖旨三省樞密院同置賞功司三省委左右司郎官樞密院委都承旨檢察置籍以受功狀違限不施行者必罰受賂乞取者依軍法許人告軍士遇敵逃潰者斬因而殺盜賊者誅其家屬九軍政申明約束及更改法制者數十條皆用勅榜揭于通衢六月某日三省樞密院同奉聖旨溫州觀察司樞密都承旨王瓛除河東路經制使通直郎直秘閣傅亮除河東路經制副使皆令閣門引見上殿六月某日三省樞密院同奉聖旨差御營司都統制王淵統制官張俊將帶所部軍馬捉殺陳州叛兵杜用都巡檢使

劉光世捉殺黎驛作過馬忠下叛兵統制官喬仲福等捉殺山東賊李昱統制官韓世忠捉殺單州魚臺軍賊先是僉議於上前謂盜賊勢須招撫因而用之然非朝廷威令已振則雖欲招撫因而用之勢不可得今去行在不二百里間有此數處盜賊竊發多者至數萬少者不下七八千若不遣將帥應時討殄何以使四方群盜恐懼聽命有旨令召王淵等到都城戒勵令各占地方須管破蕩仍諭以自上即位方此遣兵正當信賞必罰能立功者優議推賞貳翊誤事亦必行法之意諸將喜躍自奮不旬月間四處皆告捷王淵生擒杜用破其衆二萬人喬仲福斬李昱首

以敵破其衆三萬人黎驛魚臺賊皆七八千人討捕淨盡  
王淵劉光世以功並建節餘人等第進秩於是湖北群盜  
閻瑾党忠薛廣祝靖等皆赴行在丁順楊進等皆河北巨  
盜赴招撫司自效其餘皆赴東京留守宗澤納欵京東西  
與淮南州縣漸得休息

建炎時政記下起建炎元年七月一日起止八月十八日

七月一日臣與執政奏事進呈劄子大略謂國家所以備  
禦夷狄者皆在邊郡城池器械一切備具故敵未易攻今  
金人盜賊乃擾吾腹心而中原郡縣復承平之久城池  
煙額並無器械何以禦敵官吏軍民久不能守而郡縣遂

以陷沒者非特士氣怯懦蓋亦以禦敵之具不備使然宜  
命諸路州郡以漸修葺城池繕治器械朝廷量行應副有  
能葺治備具者旌賞以勸得旨依奏應州郡欲修城池者  
申朝廷給降祠部應副七月某日三省樞密院同奉聖旨  
張慈除同知樞密院事兼提舉指置戶部財用王綯除給  
事中七月某日三省樞密院同奉聖旨差周望傳零借太  
常少卿奉使二虜酋軍前通問二聖起居上命臣擬撰表  
本其起居道君太上皇帝表本曰臣某言神京不守坐失  
金湯天旆啓行越在草莽凡居臣子之列均深痛憤之情  
臣某誠悲誠感頓首頓首恭惟道君太上皇帝陛下遊神

穆清宅心昭曠法堯舜之遜禪濟國家之艱難方交兩宮  
之歡永享四海之養鄰邦犯順戈戟熾於中原帝座移居  
鑾輿幸於朔野神人感憤華夏悲摧而臣濫總帥權莫陪  
贊御迫羣臣再三之懇請謂大寶不可以久虛勉徇羣情  
嗣守神器瞻行宮而靡及慕慈訓以增懷輯睦師徒冀宗  
社之可保撫寧方夏佇車駕之言歸謹遣通直郎試太常  
少卿臣周望奉表起居以聞臣無任瞻天望聖激切屏營  
之至臣某頓首頓首謹言其起居孝慈淵聖皇帝表本曰  
臣某言戎馬荐興環日畿而布列帝都不守致天步之艱  
難為國悼心三靈失色臣某誠悲誠感頓首頓首恭惟孝

慈淵聖皇帝陛下法禹湯之恭儉體堯舜之聰明十載東  
宮令德聞於海岱踰年南面仁政決于寰區適當嗣位之  
初兩致鄰邦之寇割地增幣以生靈屈已而講和擐甲登  
埠為廟社忘身而固守金湯失險羽衛啓行致翠華之蒙  
塵瞻紫微而移座華夏失祀神人疇依而臣叨總師徒莫  
陪羈勒迫羣臣之懇請嗣大寶以撫臨仰遵勤儉之風庶  
格中和之治傷心北望緬懷異域而增悲整駕南還尚冀  
敵人之悔禍謹遣通直郎試太常少卿臣傳零奉表起居  
以聞臣無任瞻天望聖激切屏營之至臣某頓首頓首謹  
言七月某日三省同奉聖旨諸路發到米綱以三分之一

留行在支遣二分撥入京師橋管先是汴河口決壞汴水不通綱運不至有旨差提舉京城所陳良弼同都水使者祭寢陳求道修治決水至是水通綱運漸至故有是命且令已卸空綱自京師船載六曹案胥及器甲等至行在七月某日臣同執政官奏事進呈劄子大略謂承平之時雖無事當備官以張朝廷之容艱難之際雖多故當省官以責事功之實至於祿廪亦當隨宜裁節以辦一時之急蓋世方多難賦入狹而用度廣非加裁節則何以爲經久之制內自朝廷外至州縣監司宜省冗員以節浮費有旨省臺寺監以繁簡相兼學宮館職之類比舊制減半開封府

依舊改爲推官提舉常平一門併歸提刑司同兩浙福建市舶司併歸轉運司以司錄一依舊爲簽書節度判官廳公事曹掾官依舊爲節度觀察使事推判官支使掌書記錄事司戶司理司法叅軍縣萬戶以上置丞不滿萬戶不置罷吏員三分之一堂吏依祖宗法轉官止朝請大夫初凍乞出官止爲通判應前宰執子弟以恩數帶貼職及待制以上並罷宰執及見任官觀察待闈未有差遣京朝官以上俸錢並權減三分之一候事定日取旨七月某日三省同奉聖旨王圭除河北西路招撫司叅謀官登彥除河北西路轉運判官七月某日臣同執政官奏事上出絹背心

宣示並諭臣等曰道君太上皇帝自燕王府密遣使臣曹  
勛齋來背心領中有親書八空白便可即真來救父母羣  
臣皆泣奏曰此乃陛下受命以道君太上皇帝者宜藏之  
宗廟以示萬世有肯從之七月某日借道直郎直龍圖閣  
河北西路招撫使張所上駁而賜章服遣行所具畫一云  
以京畿兵三千爲衛於大名府置司一面遣官於河北西  
路告諭招撫山寨首領民兵就繕日度河先復濬衛懷  
州真定府次解中山府等處乃以兵民紹地養之如映  
西五路弓箭手法仍乞繕錢一萬以爲半年之費得旨從  
之七月某日京師龍德等官士送到諸色寶器等上命碎

之於殿庭間儒士有持去者聽之中外莫不悅服七月某  
日臣與執政官同進呈御史臺御史臺勘宋齊愈事初齊愈爲  
右司員外郎自圍城中出詣行在自陳以病在告不與僞  
楚事除諫議大夫既而臣察論六首建議請立張邦昌以  
合金人之意按據甚明有旨送御史臺鞫治證驗明白齊  
愈欵服至是案上三省樞密院二司奉聖旨依法定斷仍榜  
其罪於通衢七月某日王鑾傳上殿面賜鑾器甲戰袍  
東帶賜亮章服遣行河東路經四司畫一陳乞降指揮陝  
西路轉運司應副財用就五路西兵舊弓箭手將家子  
第中募兵二萬人并朝廷所付六萬人通成三萬就陝府

置司與金人河中府解州對壘。一面遣人結約河東山寨豪傑民兵收復州縣候兵集日乘機會過河得旨從之七月某日臣同執政官進至東京曰守司鞠治華國靖恭夫人李氏公事初張邦昌既僭竊<sub>正</sub>福寧殿李氏奉之時以果實爲獻邦昌亦厚答之遂以<sub>女</sub>陳氏侍邦昌寢其後邦昌欲退歸府第因其姊入禁中乃留親隨人易陳氏以出邦昌出禁中李氏送至內東門有語指斥乘輿上聞之命留守司同御藥院於內東門桂治李氏欵服且言邦昌用乘輿服御及陳氏事上<sub>亡</sub>邦昌敢居官禁篲數處私宮人可以見其情狀有上決脊降配禁營務下民

爲妻七月某日三省樞密院同奉聖旨近降指揮諸路州  
縣脩葺城池籌泊器械招募軍兵積聚糧草增添弓手團  
結良社精置郡傳緝捕盜賊建置帥府要郡推行軍政皆  
係急切事務訪聞州郡玩習因循殊不留意仰自今旬具  
施行次第申尚書省樞密院弛慢不職官吏許監司劾奏  
以聞常切准備朝廷遣使檢察誅賞七月十四日臣同執  
政官奏事訖留身奏上曰朝廷近日外則經營措置河北  
河東兩路以爲藩籬葺治軍馬討平盜賊內則修政事明  
賞刑皆漸就緒獨車駕巡幸所詣未有定所中外人心未  
安上宣諭曰但欲迎奉元祐太后及津遣六宮往東南朕

當與卿等獨留中原訓練將士益聚兵馬雖都城可守  
金賊可戰臣再拜曰陛下英斷如此雖漢之高祖光武  
之太宗不是過也中外未知聖意乞降詔以告諭之上  
所請七月十五日內降手詔朕惟祖宗都汴垂二百年天  
下乂安重熙累洽未嘗少有變故承平之久超軼漢唐比  
年以來圖慮弗臧禍生所忽金人一歲之間再犯都城信  
其詐謀終墮賊計盡取子女玉帛遂邀二聖鑿輿六宮戚  
屬悉擁以行夷狄之禍祚古未有四海臣子孰不痛心肆  
朕纂承永念先烈眷懷舊京潛然出涕思欲整駕還京謁  
欽宗廟以慰士大夫軍民之心而安火之餘民物如故朕

之父母兄弟宗族靡有留者顧瞻宮室何以為懷是用權  
時之宜法古巡狩駐蹕近甸號召軍馬以防金人秋高氣  
寒再來入寇朕將親督六師以接京城及河北河東諸路  
與之決戰已詔奉迎元祐太后聿遣六官及衛士家屬置  
之東南朕與羣臣將士獨留中原以爲爾京城及萬方百  
姓請命于皇天庶幾天意昭答中國之勢浸強歸宅故都  
迎還二聖以稱朕夙夜憂勤之意應在京屯兵聚糧修治  
樓櫓器具並令留守司京城所戶部疾速措置施行咨爾  
士大夫軍民體朕至懷無憂疑患故茲詔示想宜知悉七  
月十六日三省樞密院同奉聖旨元祐太后以避家諱改

稱隆祐太后以徽猷閣待制孟志厚爲迎奉隆祐太后提舉一行事務步軍指揮使郭仲荀統兵扈衛司封員外郎楊邁沿路州縣預行計置糧草濟渡舟船七月十七日臣同貌政官奏事進呈劄子大略如明述幸之策開中爲上裏鄧次之建康爲下今縱未能行上策猶當適襄都以係天下之心夫襄都西鄰關陝可以召安北近京畿可以遣援南通巴蜀可取貨財東達江淮可以運般粟山川險固民物淳厚此誠天授以待臨幸願爲丁冬駐蹕之計得旨定議巡幸南陽以觀文殿學士范致一並知鄧州委以修治城池繕葺宮室官府朝廷降鹽鈔錢卽委轉運使范之才等備

時樞草命發運司撥江湖綱運由襄江通漕命四川變轉  
運輕貨陸路自陝西江路自歸陝以入南陽七月十八日  
三省樞密院同奉聖旨差戶部侍郎黃潛厚爲巡幸提舉  
一行事務膳部員外郎陳克幹辦頗逆行宮一行官吏將  
佐軍兵安治去處虞部員外郎李傳幹辦相視橋道渡船  
并橋辦糧草發運使李祐爲隨軍轉運使七月十九日三  
省同奉聖旨委兵部郎官并太常寺官各一員候巡幸有  
日限三日計置合用舟船車乘等迎奉神主赴行在及擬  
合用人致就太廟親事官擇擇令殿前司差撥禁軍三百  
人防護仍專委內侍官員充同共都大主管其合行事件

並仰條具申尚書省七月某日臣同執政官奏事進呈內  
降御札募兵改刺新軍有害軍政臣奏曰元降募兵指揮  
許改刺者祇謂潰散西北兵卒無營旁可歸者即非以見  
在營旁兵卒許之改刺因以中書省元批旨進呈得旨依  
元降指揮施行七月某日三省同奉聖旨近降指揮諸路  
買馬每州可祇令買百疋東南州軍不產馬處並免所有  
勸民出財助國椎賞指揮更不施行上意恐致擾擾故也  
七月某日三省樞密院同奉聖旨李擢爲係淵聖皇帝已  
曾責降特免散官安置責授軍器少監分司南京筠州居  
生七月某日三省同奉聖旨錢伯言除吏部侍郎黃次山

除吏部郎官尹東珣除金部郎官周格改差兩浙路提刑  
黃惇書除兩浙路轉運副使劉諒除江東路轉運使七月  
某日臣同執政官奏事就留身奏事論及君子小人不可  
不辨上宣諭曰君子小人不難知但考其素行則知之臣  
奏曰陛下誠得知人之要中興之業不難致天下幸甚之  
月某日三省同奉聖旨董耘除兵部尚書晁訖之除待制  
燕侍讀七月二十七日內降手詔朕觀古之為士者何其  
分義之明而忠厚之至也承平之時齊好爵享豐祿相與  
同安榮多事之際不擇地不苟免相與同患難故人之好  
我至於示我周行王事靡盬至於不遑啓處而鹿鳴四壯

之詩作先王之澤可謂盛矣祖宗涵養士類垂二百年教以禮樂風以詩書班爵以責之制祿以富之於士無負而士之所以圖報國家者不能無愧於古人日者二聖播遷宗社幾至於顛覆而伏節死難者罕有所聞其故何哉肆朕纂承慨然思任羣材相與協濟修政事攘戎狄以奉迎鑾輿而士大夫奉公者少營私者多徇國者希謀身者衆乞去則必以東南爲請召見則必以疾病爲辭公檄以自便者相望于道途避匿而耆官者日形於奏牘甚者至假託親疾不俟告下寧家而遠遷夫禮義廉耻正所以責士夫也所守如此朕何望焉豈朕初嗣大位所以訓告者亦

至歟將士大夫狃於故習而未能遵革歟已詔甚失節者  
寘之極典其次殺之遠方爲多士萬世之戒其自今以往  
各恭乃職一乃心勤予一人克復大業底綏四方以匝休  
於隆古敢有弗率弗迪尚蹈前愆在內委御史臺在外委  
監司彈劾以聞邦有常刑朕不敢赦茲詔示想宜知悉  
八月一日臣同執政官進呈御史臺鞠治陳冲余太均洪  
芻王及之等公事皆在圍城中誘置內人爲妾及因抄劄  
金銀自盜入已上宣諭曰此何等時乃敢如此得旨余大  
均陳冲洪芻情犯深重各特貸命除名勒停長沙門島永  
不放還張卿材責授文州別駕雷州安置李彝責授茂州

別駕新州安置王及之責授隨州別駕南恩州安置周懿文責授隴州別駕英州安置胡恩責授沂州別駕連州安置八月二日臣同執政官奏事訖進呈劄子大略謂生於陵者安於陵生於水者安於水南方之人習水而善沒其操舟若神而北人有懼舟楫而不敢登者水戰之利正南人所宜應沿河沿淮沿江帥府要郡宜令造戰船募水軍凡習水而能操舟者皆籍記名姓平時許其自便有故則糾集而用之逐時教閱量行激賞必得其力有旨令諸路招置水軍以樓船凌波爲號差御營司幹辦官楊觀復齊至名告往江浙募人造船餘路委提刑司措置總領八月

三日內降白麻楊惟忠劉光世王淵並除節度使八月  
日三省同奉聖旨右司諫潘良貴除工部員外郎觀察使  
龍神衛四廂都指揮使李庠除東京副留守八月五日內  
降白麻除臣尚書左僕射兼門下侍郎除黃潛善尚書右  
僕射兼中書侍郎八月六日得旨御營副使按閱軍馬八  
月七日臣同執政官奏事進呈河北西路轉運副使知大  
名府張益謙奏狀言招撫司撥擾不當置司北京及欲起  
北京屯戍兵給用器甲爲非是緣置招撫司河北盜賊白  
晝殺人不若罷之專以其事委帥司臣奏曰張所晝一乞  
置司北京候措置就緒日渡河今尚留京師以招集將佐

故未行不知益謙何以知其搔擾而言不當置司至於守  
兵器甲不可輟那當令招撫司合具用數申陳自朝廷給  
降可也朝廷以金人攻圍河北民無所歸集爲盜賊故置  
司招撫因其力而用之以解河北之急豈緣置司乃有盜  
賊今京東京西羣盜嘯聚攻掠州縣豈亦招撫司所致耶  
方時艱危朝廷欲有所經略益謙小臣乃敢非理公然沮  
抑必有使之者不懲之無以戒妄議而沮姦臣上乃令降  
旨招撫司依畫一置司北京就繕日疾速渡河不得抽摘  
守兵具合用器甲數申朝廷應副如招撫到河北兵民嚴  
行鈴束無令作過張益謙令分析以聞八月某日三省同

奉聖旨許翰除尚書右丞差內侍押赴都堂治事八月  
日三省同奉聖旨范訥罷按察使與承宣使淄州  
居住以言者論其爲宣撫使及留守東京不職故也八月  
十二日臣同執政官奏事進呈河東路經制使司奏狀元  
降畫一聖旨指揮許令於陝府置司候措置招集軍馬齊  
集日度河續奉聖旨令聽宗澤節制於陽武渡河伏乞明  
降指揮以繼遵守臣奏曰河東經制司所得兵不多自陽  
武渡河濬衛懷三州盡係金人所守便爲生界難得糧餉  
萬一潰散即朝廷別未有一項軍馬可以措置河東不若  
令依元降畫一指揮且於陝府置司招集軍馬事體爲便

黃潛善謂逗遛不進致失機會臣奏曰河東經制司受命  
啓行纔方數日猶尚在京師恐難謂之逗遛今日事勢未  
見機會可乘不若盡將帥之慮乃可責以成效用其言而  
績用弗成朝廷自有典憲議久不決八月十四日内降御  
批傳亮兵步不可渡河可罷經制副使發赴行在八月十  
五日臣以疾不任事上表劄乞罷尚書左僕射除在外宮  
觀差遣八月十六日蒙恩差內侍宣押赴都堂治事上第  
二表劄八月十七日蒙恩差內侍宣押赴內殿奏事上第  
三表劄八月十八日內降麻制除臣觀文殿大學士提舉  
杭州洞霄宮當日罷任